

¶ Carmen funebre in mortem illustrissimi *Comitis Leicestrensis*, qui *Corneburiae* in agro  
*Oxonienſi* 4. Sept. 1588. *vita defunctus est.*



Vò me Musa rapis? nùm te, præclare *Roberte*,  
 Sustulit effracto lethum miserabile filo?  
 Voluitur incerto gressu mirabilis annus  
 Octogessimus octauus: nunc numine fausto  
 Terribilem magni classem confringit Ibèrj

Fluctibus in medijs, Iulânâ & mergit in vndâ  
 An tennas (Hispane) tuas Pharaonis vt olim  
 Falcatos currus refluus subuertit in vndis:  
 Subuertit clamore hominum, stridôre rudentum.  
 Mox Comitem nostro *Leicestrum* tollit ab orbe:  
 Sydere mutato tanquam versatilis aura  
 Fellea mellitis immiscens toxica donis.  
 Sic visum est Domino: roseæ cui portitor Helles  
 Faut, & auratis aperit qui cornibus annum  
 Europe vector: Geminorum & stellifer ortus  
 Qui viridem suaui terram perfundit Amomo  
 Cui Leo Nemaus cecidit: cui brachia Cancrj  
 Non nocuere truci: cui Virgo Astræa pepercit:  
 Huic Libra exitio est non æquo pondere librans  
*Leicestri* corpus: Sed quid rutilantia cæli  
 Sydera conclamo? *πατρὶς μεγάλῃο ἐκκλι*  
 Stat sua cuique dies certam dimensa per horam:  
 Aurea Psalmographi cecinit sic tibia vatis,  
 Cuius ab ore Chelys sacro madefacta liquore

Fluxit

Fluxit, & astrifero diductum carmen ab orbe.  
 Belgica mæsta sedet, trifidj flet & accola Rhenj,  
 Iscla vbi in pontum spumosas euomit vndas:  
 Et quâ Lecca fluit, quâ & præterlabitur amnem  
 Wala suum: gemitus medijs eructat in vndis  
 Dordraci *ῥήσος* Zelandia mæsta refusas  
 Fletibus auget aquas: vbi sunt sua præmia laudi.  
 Anglia nec siccis tua funera spectat ocellis:  
 (Magne Comes) Regina tuam clarissima mortem  
 Assiduo gemitu, luctu & desseuit amaro.  
 Te proceres obijſſe dolent: Te mæsta Calcuæ.  
 Plangit, & attonitis sequitur tua funera Musis.

Aliud.

Floruit in nostro quondam *Leicestrius* orbe,  
 Floruit, et floret tempora signo duo.  
 Floruit, et quî sic? homo dicitur esse caducus  
 Flosculus, aduersi quem ferit ira notj.  
 Floret adhuc; quî sic? cælesti ardore virescens  
 Floret, et aduerso non cadet ille Noto.  
*Σὺ δὲ ἐστὶ χόρτος πάντων καὶ ἀόρατος θνήσκων*  
 Sola fides summi regnat in arce Dei.

Orbe

Aliud.

Orbe sub Arctoo geminâ micat *ἔρανός* vrsâ,  
 Dicitur hæc maior, dicitur illa minor.  
 Hæc innumota manet, gelidos rotat illa Triones:  
 Maior enim assiduo voluitur vrsâ gyro.  
 Has regit *Ἀρκτοφύλαξ* radiantj lumine fulgens,  
 Has fecat & trifida tortilis anguis acu.  
 Nobilis heu geminas nupèr tulit Albion vrsas,  
 Ambrosium Comitem, tequè *Roberte* tulit.  
 At minor occubuit: geminas draco diuidit vrsas  
 Mors paruam immissa transfodit *Ἀρκτον* acu.  
*Ἀρκτοφύλαξ* Christus warwico proroget æuum,  
 Maior adhuc nostro vt luceat vrsâ solo.

*Tho: Holland Collegii  
 Bailiolensis Ox. Alumnus.*



Excudebat E. A.